



TOSHKENT DAVLAT YURIDIK UNIVERSITETI REKTORINING BUYRUG‘I

22.01.2025

60-tm-son

Talabaga hayfsan e‘lon qilish to‘g‘risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta‘lim shakli bo‘yicha ayrim talabalari tomonidan o‘quv intizomi, Odob-axloq kodeksi va ichki tartib-qoidalarini buzish holatlari aniqlandi.

Xususan, 3-kurs rus A potok 2-guruh talabalari Kim Nikita Igorevich va Obidov Salohiddin Akbar o‘g‘li belgilangan talablarga zid ravishda universitet hududida tamaki mahsulotlarini iste‘mol qilganligi aniqlandi va mazkur holat talabalarining tushuntirish xatida o‘z tasdig‘ini topdi. Bundan tashqari, 2-kurs G potok 3-guruh talabasi Umaraliyev Shaxzodbek Shavkatjon o‘g‘li va 4-kurs B potok 3-guruh talabasi Matyakubov Romonbergan Ergashboy o‘g‘li oldin ham Odob-axloq kodeksi qoidalariga rioya etish lozimligi bo‘yicha bir necha marotaba ogohlantirilganligiga qaramasdan universitetda o‘rnatilgan kiyinish va soch-soqol qoidalariga rioya etmay kelayotganligi aniqlandi va mazkur holat talabalarining tushuntirish xatida o‘z tasdig‘ini topdi. Shuningdek, 2-kurs rus B potok 2-guruh talabasi Sirojiddinov Biloliddin Ramziddin o‘g‘li Fuqarolik huquqiga kirish dars mashg‘uloti davomida professor-o‘qituvchi Yeshanova Dauletbike Ametbekovna bilan o‘zaro munosabatlarda hurmatsizlikka yo‘l qo‘yganligi aniqlandi va mazkur holat talabaning tushuntirish xatida o‘z tasdig‘ini topdi.

Yuqoridagilarga ko‘ra:

Kim Nikita Igorevich va Obidov Salohiddin Akbar o‘g‘lilar universitet Odob-axloq kodeksi 17-moddasining to‘rtinchi (giyohvand moddalar, psixotrop, sintetik vositalar va ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste‘mol qilish va tarqatish) va o‘ninchi (Universitet binolari va hovlisida,

shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish) xatboshilarida;

Umaraliyev Shaxzodbek Shavkatjon o'g'li va Matyakubov Romonbergan Ergashboy o'g'li universitet Odob-axloq kodeksi 12-moddasining beshinchi (Universitet xodimi, talabasi va doktoranti bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart) va oltinchi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo'lishi, ular sochlari noodatiy bir necha ranglarga bo'yalmagan va kiyinish talablariga rioya qilgan holda kelishi lozim) xatboshilari hamda 24-moddasining uchinchi (Talaba ta'lim-tarbiya jarayonida tegishli dekanat mas'ul xodimlarining bergan qonuniy topshiriq va ko'rsatmalarini bajarishi shart) xatboshilarida;

Sirojiddinov Biloliddin Ramziddin o'g'li universitet Odob-axloq kodeksi 18-moddasining ikkinchi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim) va 27-moddasining yettinchi (Universitet xodimlari va o'qituvchilariga qo'pollik qilmaslikka, ular bilan tortishmaslikka, agarda ular nohaq bo'lsa tegishli shaxslarga xabar berishga, o'qituvchilarning shaxsiy hayotiga oid noo'rin savollar bilan murojaat qilmaslikka) xatboshilarida belgilangan qoidalarni buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug'i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksi tegishli moddalarini buzganligi hamda Magistratura va sirtqi ta'lim fakulteti dekanining taqdimnomasiga muvofiq,

BUYURAMAN:

1. Quyidagilar:

Umaraliyev Shaxzodbek Shavkatjon o'g'li – sirtqi ta'lim shakli 2-kurs G potok 3-guruh (ta'lim tili – o'zbek);

Sirojiddinov Biloliddin Ramziddin o'g'li – sirtqi ta'lim shakli 2-kurs rus B potok 2-guruh (ta'lim tili – rus);

Kim Nikita Igorevich – sirtqi ta'lim shakli 3-kurs rus A potok 2-guruh (ta'lim tili – rus);

Obidov Salohiddin Akbar o'g'li – sirtqi ta'lim shakli 3-kurs rus A potok 2-guruh (ta'lim tili – rus);

Matyakubov Romonbergan Ergashboy o'g'li – sirtqi ta'lim shakli 4-kurs B

potok 3-guruh (ta'lim tili – o'zbek) talabalariga universitet Odob-axloq kodeksining tegishli normalarini buzganligi uchun hayfsan e'lon qilinsin.

2. Magistratura va sirtqi ta'lim fakulteti dekani A.Babadjanov:

ushbu buyruq bilan talabalarni tanishtirsin;

talabalarining shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Kelishildi:

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV

